

Թամարի կը յաջողի էջմիածնի իրաւունքները պաշտպանել, միաժամանակ և յետագային զարկ կու տայ պարսկական բաժնի այլեւայլ վանքերուն: Այսպէս Մուզնիի վանքը իր նիւթական և բարոյական օժանդակութեամբ կը շինուի, Յովհաննավանքը աւելի կը շքեղանայ և միաբաններով կը ծաղկի, Նոր Զուլայի Ամենափրկիչ վանքը իր հոգածութեան առարկայ կ'ըլլայ, Խորվիրապի և Սանահինի վանքերը կը նորոգուին (4):

1660 Սեպտեմբեր 4ին, կոնդակով մը Նոր-Զուլայի Ամենափրկիչ վանքին կը վերադարձնէ անկէ կանխաւ անջատուած շրջանները, բաժանումէն առաջ եկած երկպառակութեան վերջ տալու համար: Այս կոնդակը հրատարակեց Պր. Յ. Քիւրեան «Հասկ»ի 1952ի Փետրուարի թուին մէջ: Զայն կ'արտատպենք.

«Յ[խուս]ի Ք[րիստոս]ի ծառայ Յակոբ կթղկս. Հայոց և Պատրիարք վաղարչապատու երկնահանգէտ և ատենասարսափ լուսանկար և Քսանկար Սբ. Աթոռոյս էջմիածնի, յորմէ ժամանեալ հասցէ գիրա-

(4) Մ. Խ. Յակոբ Կաթողիկոս Զուլայեցի, Արարատ ԼԶ. Տարի, 1902, Սեպտ. — Հոկտ. համար Թ-Ժ, էջ 779:

Յ. Քիւրեան, Յիւրեր Յակոբ Զուլայեցի Կաթողիկոսի կենսագրութեան համար, Հասկ, ԻԱ. Տարի, 1952, Մարտ-Ապրիլ էջ 87: